

आकाशवाणी

खास खबरां

- 1 लोकसभा दे चौथे गेड़ दे चुनाएं लेई जारी प्रचार अज्ज मुक्की गेआ।
- 2 प्रधानमंत्री ते बीजेपी दे वरिष्ठ लीडर नरेन्द्र मोदी होरें आखेआ जे कांग्रेस भारत दे संविधान गी बदलना चांहदी ऐ।
- 3 कांग्रेस अध्यक्ष मल्लिकार्जुन खरगे होरें भारत दे चुनां आयोग गी हर गेड़ दे चुनां मगरा कुल मतदातें दे मतदान गी प्रकाशत करने दी विनती कीती ऐ।
- 4 ब्राजील च भारी बरखा दे चलदे आए दे हाड़ करी 120 लोकें दी जान गई।
- 5 आईपीएल क्रिकेट मैच कोलकाता नाईट राईडर्स दा मकाबला कोलकाता दे ईडन गार्डन च मुंबई इंडियन्स कन्नै होग।

<><><><><><>

4th Phase

लोकसभा चुनां दे चौथे गेड़ दे कन्नो कन्नी आंध्रप्रदेश च इक गेड़ दे विधानसभा चुनाएं ते ओडिशा च विधानसभा चुनां दे पैहले गेड़ लेई प्रचार अज्ज संजा खत्म होई गेआ ऐ। चौथे गेड़ तैहत औंदे सोमवारें 9 राज्यें ते इक केन्द्र शासत प्रदेश दी 96 लोकसभा सीटें लेई वोट पोआए जांगन। इस गेड़ तैहत आंध्रप्रदेश दिएं 25, बिहार दी 5, झारखंड दी 4, मध्यप्रदेश दी 8, महाराष्ट्र दी 11, ओडिशा दी 4, तेलंगाना दी 17, उत्तर प्रदेश दिएं 13, पच्छिम बंगाल दी 8 ते केन्द्र शासत प्रदेश जम्मू कश्मीर दी इक सीट शामिल ऐ। इस गेड़ तैहत वोट पोआए जांगन। इसै गेड़ तैहत 25 संसदीय सीटें आले आंध्रप्रदेश ते 17 सीटें आले तेलंगाना च बी इक गै गेड़ च वोट पोआए जांगन।

<><><><><><>

EC 3rd Phase

लोकसभा चुनाएं दे त्रीए गेड़ च मतदाताएं दा कुल 65.68 फीसद मतदान दर्ज कीता गेआ ऐ। एहदे च तकरीबन 66.89 फीसद मर्दें, 64.41 फीसद महिला ते 25.2 फीसद ट्रांसजंडर शामिल हे। चुनां आयोग दे मताबक महिला मतदाताएं दा मतदान आंकड़ा सब्बने थमां मता असम च ऐ जेहदे च 85.34 फीसद महिला नै वोट पाए। एहदे मगरा पच्छिम बंगाल च एह आंकड़ा 83.01 ऐ, उत्तर प्रदेश च महिलाएं दा सब्बने थमां घट्ट 56.01 फीसद ऐ। एहदे मगरा गुजरात ऐ जेहदे च 56.56 फीसद महिलाएं वोट पाए न।

<><><><><><>

PM-Odisha

प्रधानमंत्री ते बीजेपी दे वरिष्ठ नेता नरेन्द्र मोदी होरें कांग्रेस उप्पर दोष लाया ऐ जे कांग्रेस संविधान गी बदलना चांहदी ऐ। उनें इब्बी गलाया जे कांग्रेस जेकर सत्ता च आई तां ओह पट्टीदर्ज जाति, पट्टीदर्ज जनजातीय ते होर पिछड़े वर्ग गी दित्ते जाने आले आरक्षण गी खुस्सियै अपने वोट बैंकें गी देई देग। अज्ज दपैहरी ओडिशा दे बारगढ़ च इक चुनावी रैली गी संबोधत करदे होई श्री मोदी होरें कांग्रेस दे साबका प्रधान राहुल गांधी हुंदा नां लैते बगैर गलाया जे वरिष्ठ कांग्रेस नेता नै इक बारी डॉ. मनमोहन सिंह सरकार आस्सेआ लेते गेदे केबिन फौसले गी फाड़ी दित्ता हा, जेहड़ा इस गल्ला दा सबूत ऐ जे साबका कांग्रेस अध्यक्ष होरें गी भारतीय संविधान उप्पर धनां बी भरोसा नैई ऐ।

<><><><><><>

Congress

कांग्रेस दियां महा सचिव प्रियंका गांधी होरें अज्ज आखेआ ऐ जे कांग्रेस पार्टी दी अगुवाई आली पैहली सरकार नै म्हेशां गै देश च जनजातीय समुदाय दे विकास ते उंदी रक्षा लेई कम्म कीते न। अज्ज उत्तरी महाराष्ट्र दे नंदुरबार जिले च इक चुनावी रैली गी संबोधत करदे होई उनें गलाया जे कांग्रेस नै जनजातीय समुदाय ते समाज दे गरीब तबकें दे बाद्धे विकास लेई बक्ख-बक्ख कनून जियां पंचायती राज कनून, जंगलात अधिकार कनून 2006, मनरेगा ते होर दुए कनून लेआंदे न। प्रियंका गांधी होरें प्रधानमंत्री नरेन्द्र मोदी ते बीजेपी दे लीडरें उप्पर दोष लाया जे ओह मणिपुर हिंसा ते महिला पलोआनें दे मुद्दे उप्पर अजे तगर किश नेई बोले।

<><><><><><>

Kharge-ECI

कांग्रेस अध्यक्ष मल्लिकार्जुन खरगे होरें चुनां आयोग आस्सेआ चुनां दे हर गेड़ दे मगरा कुल मतदाताएं दे मतदान गी जारी करने लेई अपनाए गेदे ढंग-तरीके पर एतराज जताया ऐ। चुनां आयोग गी लिखी गेदी इक चिट्ठी च खरगे होरें आयोग गी सुझाह दित्ता जे ओह सार्वजनिक डोमेन च कुल वोट पाने आले बारे जानकारी सांझा करै उनें आखेआ जे मते सारे वोटर, जेह्दे चुनां बारे मता रूझान रखदे न, ओह बी मतदाताएं आस्सेआ पाए गेदे दी कुल गिनतरी दी जानकारी बारे दिलचस्पी रखदे न। श्री खरगे होरें सत्ताधारी पार्टी दे नेताएं आस्सेआ कीती जा'रदी खुल्लम-खुल्ली साम्प्रदायिक ते जातिवादी ब्याने दे खलाफ आयोग आस्सेआ कारवाई नेई करने पर बी हरानगी जताई।

<><><><><><>

Brazil Floods

ब्राजील च कल भारी बरखा ते तूफान मगरा आए दे हाड़ च 120 लोकें दी जान चली गई। अधिकारिं आखेआ जे घायल होए दे 756 लोकें गी अस्पताल च दाखल करोआया गोआ ऐ। जेल्ले के 141 लोक अजे लापता न ते इस सरबंधा च तपाश ते बचाह अभियान अजे तगर जारी ऐं 20 जहार सैन्य कर्मचारिं गी लोकें दे बचाह कम्म लेई उत्थें तैनात कीता गोआ ऐ। इस हाड़ करी बिजली ते पानी आले संयंत्रें गी नुक्सान पुज्जा ऐ ते मते सारे लोक एहूदे करी बिजली-पानी दे त्रौटे दा सामना करा'रदे न। 85 जहार थमां मते घरे-मकानें च मिट्टी-किच्चड़ कन्नै पानी भरोची जाने करी नुक्सान पुज्जा ऐ। 71 जहार थमां मते लोकें आरजी तौरा पर स्कूलें, खेड्ड हालें ते चर्चे च आसरमा लैते दा ऐं ब्राजील दे मौसम सरबंधी जानकारी आले इदारें नै कल तगर तेज बरखा जारी रौहने दी मेद दस्सी ऐ।

<><><><><><>

IPL

आईपीएल क्रिकेट च अज्ज संजा साढ़े 7 बजे कोलकोता दे ईडन गार्डन च कोलकाता नाईट राईडर्स दा मकाबला मुंबई इंडियन्स कन्नै होग। इस प्रतियोगिता च 8 मैच जित्तिये ते 3 मैच हारिये कुल 16 अंके दे कन्नै कोलकाता नाईट राईडर्स ऐल्ले पैहले नंबरे पर ऐ। दूई बक्खी मुंबई इंडियन्स नै अजे तगर खेड्डे दे 12 मैचे च शडे 4 मैच गै जित्ते दे न ते ओ प्रतियोगिता च ऐल्ले 9मीं थाहर पर ऐ। कल होए दे मैच च गुजरात टायटंस नै चेन्नई सुपर किंग्स गी 35 रजे कन्नै हराई दित्ता हा।

<><><><><><>

S.Jaishankar

विदेश मंत्री डॉ. एस.जयशंकर दहोरे आखेआ ऐ जे अभिव्यक्ति दी अजादी दा मतलब अलगाववाद गी स्वतंत्रता नेई ऐ। कनाडा च अलगाववादी घटनाएं बक्खी इशारा करदे होई उनें गलाया जे अलगाववाद ते हिंसां दा समर्थन करने आले गी कनाडा दी सियासत च बक्खरी थाहर दित्ती जा'रदी ऐ। कल इक समाचार अजेसी कन्ने गल्लबात करदे होई विदेश मंत्री होरें आखेआ जे कनाडा दी सियासत च नेइयां किश मन्ने परमन्ने देवेहरे न, जेह्दे अलगाववाद ते चरमपंथिएं गी बढ़ावा देआ'रदे न। उनें गलाया जे भारत नै जदू बी इस मुद्दे गी पुट्टेआ ऐ तां कनाडा सरकार नै इसी अभिव्यक्ति दी अजादी गलाया ऐ।

भारत-चीन रिश्ते बारे गल्ल करदे होई विदेश मंत्री होरें गलाया जे हर इक देश अपने गोआंठी मुख्य कन्नै दोस्ताना रिश्ता गै चांहदा ऐ, पर अज्ज साढा रिश्ता चीन कन्ने सामान्य नेई ऐ, कीजे बन्ने उप्पर शांति च खलल पेई गोदा ऐ।

<><><><><><>

Jaishankar India

भारत दे विदेश मंत्री डॉ. एस.जयशंकर होरें भारत-यूरोपीय संघ मुक्त बपार समझौते(एएफटीए) गल्लबात ते बपार ते प्रौद्योगिकी परिषद दे अंदर सैहयोग दे समर्थ पर साकारात्मक मेद बुज्जी ऐ ते दौनें मुख्य बश्कार आर्थिक आपसी संपर्क दी बघदी गैहराई गी उजागर कीता ऐ। विदेश मंत्री होरें यूरोपीय संघ दे राष्ट्रीय ध्याड़े आले समारोह च उत्थें राजधानी च अपने संबोधन च आखेआ जे उनें पिछले ब'रे स्थापित भारत-मध्य-पूर्व यूरो आर्थिक गलियारे लेई भारत दे मते महत्व आले आदर-मान पर जोर भरेआ ते एहदी तरक्की गी अगड़ा बधाने लेई भारत च यूरोपीय संघ दे राजदूत हर्वे डेल्टिन हुंदे आस्सेआ आयोजित इस कार्यक्रम च बोलदे होई डॉ. जयशंकर होरें इस गल्लै पर लोह पाई जे यूरोपीय संघ साढा सारे शा बड्डा आर्थिक सांझेदार ऐ। एह इक नयी इकाई ऐ जिसदे कन्नै साढा बड्डा गै डूहंगा रिश्ता ऐ ते एह मते सारे डोमेन च फ़ैले दा ऐ। यूरोपीय संघ दे राजदूत होरें अपने भाषण च आखेआ जे भारत ओहू मुख्य ऐ जिसी यूरोपीय संघ लेई जबरदस्त महत्व हासल ऐ, एह सांझेदारी होर बी मजबूत होग।

<><><><><><>

SAARC Secretary

दक्खन एशियाई एसोसिएशन फॉर रीजनल कोआपरेशन यानि सार्क दे महासचिव मोहम्मद गोलम सरवर होरें भारत दे अपने पैहले अधिकारिक दौरे पर दिल्ली पुज्जे न। इक सोशल मीडिया पोस्ट च विदेश मंत्रालय दे प्रवक्ता रंधीर जयसवाल होरें आखेआ जे एह दक्खन एशिया च सैहयोग गी होर मता अगड़ा बधाना दा इक मौका ऐ। श्री सरवर होर 5 ध्याड़े दे भारत दे दौरे पर न, जिस दरान उंदी बैठकें दा सिलसिला जारी ऐ। विदेश मंत्रालय मताबक श्री सरवर होर विदेश राज्यमंत्री डॉ. राजकुमार रंजन सिंह, विदेश सचिव मोहन क्वात्रा ते विदेश मंत्रालय सचिव(पूर्व) जयदीप मजुमदार हुंदे कन्नै मलाटी करगंन। ओहू सार्क दे भविक्ख ते दक्खन एशियाई यूनिवर्सिटी पर त्रीए शक्ति सिन्हा मैमोरियल लैक्चर पर बी अपने बचार रक्खगंन।

<><><><><><>

Srinagar Campaign

श्रीनगर चुनावी हल्के लेई जारी प्रचार अज्ज खत्म होई गोआ। घाटी च पिदले त्रऊं दहाके मगरा चुनावी रैलिंग च लोकें दी इन्नी मती भीड़ दिक्खी गई ऐ। श्रीनगर लोकसभा सीट लेई चौथे गेड़ तैहत औंदे सोमवारें वोट पोआए जांगन। मोटर-बाइकें ते कारें च रंग-गिरंगे काफले घाटी दे ग्राएं ते कस्बें च घूमा'रदे न की जे श्रीनगर च आतंकवाद प्रभावत हिस्से च बी मेदवारें दी इक झलक दिक्खने लेई लोकबड़े मते उत्साहित न, इनें इलाकें गी पैहले दे लीडरनो गो जोन दे रूपे च जानदे हे। कश्मीर दे पंज जिले श्रीनगर, गांदरबल, पुलवामा, बडगाम ते शोपियां तगर फ़ैले दा श्रीनगर चुनावी हल्का इक युद्ध मैदान दे रूपै च उभरेआ ऐ जेहदे च 17 लक्ख 43 ज्हार 845 मतदाता 24 मेदवारें दे सियासी भविक्ख दा फ़ैसला करगंन। इत्थें उनें लोकें दी खासी गिनतरी ऐ, जिनें पैहले कदें मतदान नेई कीता, पर हुन वोट पाने दे अपने हक्क दा इस्तेमाल करने दा बेसब्री कन्ने इंतजार करा'रदे न। हालांके चुनावी मैदान च 24 मेदवार खड़ोते दे न, पर मुख्य मकाबला नैशनल कांफ्रेंस दे सईद रहुल्ला मेहदी, पीडीपी दे वहीद-उर-रहमान परा ते अपनी पार्टी दे मोहम्मद अशरफ हुंदे बश्कार त्रिकोणियै मकाबला ऐ। दफा 370 दे हटने मगरा श्रीनगर च एह सब्बने शा बड्डे चुनां न। 2019 ब'रे दे लोकसभा चुनाएं च नैशनल कांफ्रेंस दे प्रधान डॉ. फारुक अब्दुल्ला होरें 1 लक्ख 6 ज्हार 150 वोट हासल करियै श्रीनगर सीट थमां जितत हासल कीती ही, एहदे च मतदान दी गिनतरी शड़ी 14.1 फीसद गै दर्ज कीती गई ही।

<><><><><><>